

Кедендік ресімдеу кезінде декларанттың сарапшыларды тарту ережесін бекіту туралы

Күшін жойған

Қазақстан Республикасы Қаржы министрлігі Кедендік бақылау комитетінің 2005 жылғы 29 қыркүйектегі N 384 Бұйрығы. Қазақстан Республикасының Әділет министрлігінде 2005 жылғы 14 қазанда тіркелді. Тіркеу N 3891. Күші жойылды - Қазақстан Республикасы Қаржы министрінің 2010 жылғы 21 қыркүйектегі № 474 Бұйрығымен

Ескерту. Күші жойылды - ҚР Қаржы министрінің 2010.09.21 № 474 Бұйрығымен.

Қазақстан Республикасы Кеден кодексінің 375-бабына сәйкес
БҰЙЫРАМЫН: Қараңыз.К100296

1. Қоса беріліп отырған Кедендік ресімдеу кезінде декларанттың сарапшыларды тарту ережесі бекітілсін.

2. Қазақстан Республикасы Қаржы министрлігі Кедендік бақылау комитетінің Кедендік кірістер басқармасы (Н.С.Жанарбаева) осы бұйрықтың Қазақстан Республикасы Әділет министрлігінде мемлекеттік тіркелуін қамтамасыз етсін.

3. Қазақстан Республикасы Қаржы министрлігі Кедендік бақылау комитетінің Ұйымдастырушылық жұмыс және бақылау басқармасы (К.І.Махамбетов) осы бұйрықтың бұқаралық ақпарат құралдарында ресми жариялануын қамтамасыз етсін.

4. Қазақстан Республикасы Қаржы министрлігі Кедендік бақылау комитетінің кеден органдары аумақтық бөлімшелерінің бастықтары осы бұйрықтың орындалуын қамтамасыз етсін.

5. Осы бұйрықтың орындалуын бақылауды өзіме қалдырамын.

6. Осы бұйрық бұқаралық ақпарат құралдарында бастапқы ресми жарияланған күнінен бастап он күнтізбелік күн өткен соң қолданысқа енгізіледі.

Т ө р а ғ а н ы ң

міндетін атқарушы

Қазақстан Республикасы
Қаржы министрлігінің
Кедендік бақылау комитеті
төрағасының міндетін атқарушының
2005 жылғы 29 қыркүйектегі
N 384 бұйрығымен бекітілген

Кедендік ресімдеу кезінде декларанттың сарапшыларды тарту ережесі

1. Осы Кедендік ресімдеу кезінде декларанттың сарапшыларды тарту ережесі (бұдан әрі - Ереже) Қазақстан Республикасы Кеден кодексінің 375-бабына сәйкес әзірленді және тауарларды декларациялау және кедендік ресімдеу кезінде өзге кедендік операцияларды жасау кезінде декларанттың сарапшыларды тарту тәртібін айқындайды. Қараңыз.К100296

2. Ережені тауарлар мен көлік құралдарына кедендік бақылауды жүзеге асыру кезінде декларанттар және кеден органдары басшылыққа алады.

3. Осы Ереженің мақсаттары үшін мынадай түсініктер пайдаланылады:
декларант - тауарлар мен көлік құралдарын өткізуші тұлға не тауарлар мен көлік құралдарын өз атынан декларациялайтын, білдіретін және ұсынатын кеден б р о к е р і ;

сарапшы - арнаулы ғылыми білімі бар, сараптамалық қорытынды беруге құқығы бар заңды немесе жеке тұлға.

4. Декларанттың сарапшыны тартудағы мақсаты мынадай жағдайларда:
кедендік ресімдеу сәтіне дейін немесе барысында тауардың жоғалу, кем шығу ,
зақымдану (бұзылу) фактісі анықталған кезде;
тауардың шыққан елін анықтау және растау үшін мәліметтерді ұсынған кезде;

тауарлардың кедендік құнын растау үшін дұрыс, сан жағынан айқындалған және құжатпен расталған ақпаратқа негізделген мәліметтерді ұсынған кезде;

жүк кедендік декларациясында немесе кеден органдарына декларант ұсынған өзге де құжаттарда көрсетілген мәліметтердің дұрыстығын тексеру мақсатында тауарлардың сынамаларын немесе үлгілерін, егжей-тегжейлі техникалық құ ж а т т а м а н ы з е р т т е у к е з і н д е ;

Қазақстан Республикасының кедендік шекарасы арқылы өткізілетін тауарлардың сапалық құрамын анықтау үшін, олардың Сыртқы экономикалық қызметтің тауар номенклатурасына сәйкес дұрыс жіктелуі үшін зерттеу жүргізу кезінде зерттеулер жүргізу болып табылады.

5. Сараптаманың негізгі қағидаттары:
оны ерікті шартты негізде жүргізу;
тәуелсіздік пен объективтілік, пайдаланылатын және берілетін ақпараттың т о л ы қ т ы ғ ы м е н д ұ р ы с т ы ғ ы ;

қоғам үшін ашықтық және сараптама қатысушылардың құқықтарын қорғау, барлық мүдделі тараптар (мемлекеттік органдар, шаруашылық жүргізуші субъектілер, тұтынушылар) үшін сараптамалық бағалаудың актілері бойынша объективті деректер алуға тең мүмкіндіктің болуы.

6. Сараптаманың объектілері:

кедендік шекара арқылы өткізілетін тауарлар мен көлік құралдары; тауарға ілеспе және коммерциялық құжаттар, сондай-ақ өткізілетін тауарлар мен көлік құралдарына қатысты нормативтік және техникалық құжаттама.

7. Декларант кеден органдары сараптама объектісі бойынша шешім қабылдаған кезде сараптаманың қорытындысын пайдаланады.

8. Сараптама субъектілерінің ұйымдық-құқықтық және қаржылық өзара қарым-қатынастары шарттық негізде ресімделеді.

9. Декларанттың сарапшыға жазбаша өтініші мынадай деректерді көрсететіріп ресімделеді:

- 1) сараптама жүргізу үшін негіздеме;
- 2) сараптама жүргізілетін сараптама мекемесінің атауы;
- 3) сарапшының алдына қойылған мәселелер;
- 4) сарапшының қарауына берілетін материалдар.

10. Сарапшының қорытындысы қойылған мәселелерге нақты жауаптар беруі тиіс, бұл ретте жауаптардың жүйелілігі мәселелердің жүйелілігіне сәйкес келуі қажет. Қойылған мәселелерге жауап беру мүмкін болмаған жағдайда себептері көрсетілуі тиіс.

Сарапшыға қойылмаған, бірақ ол оны зерттеу процесінде анықтаған жағдаяттар бойынша тұжырымдар қорытындыда жазылады.

Екіұшты түсіндіруді болдырмау үшін тұжырымдар дәл және айқын жазылады.

11. Сарапшының қорытындысында өткізілген сараптаманың пәні мен нәтижесі, сондай-ақ оны жасау күні көрсетілуі тиіс, және қол қоюмен расталу қажет.

Бұл ретте, заңды тұлға болып табылатын сарапшының қолы мөрмен расталады.

Егер сараптамалық қорытындыға сызбалар, кестелер, графиктер және тағы басқалар түріндегі қосымшалар қоса берілетін жағдайда, сарапшы (егер сарапшы заңды тұлға болып табылған жағдайда) оларға да қол қояды және мөрмен расталады.

12. Сарапшының қорытындысы үш данада жасалады. Сарапшы қол қойған, тіркелген нөмірі бар ілеспе хаты қоса берілетін бірінші дана - декларантқа, екіншісі - ресімдеген аумақтық кеден органына жіберіледі, үшіншісі - сараптаушыда қалады.

13. Сараптама жүргізу кезінде сарапшы ресми, жарияланған немесе арнайы көздерден (нормативтік-ақпараттық әдебиеттен және құжаттардан) алынған ғылыми-техникалық ақпаратты, заттарды өзіндік немесе зертханадан тыс сынақтар мен зерттеулердің нәтижелерін, оның ішінде ғылыми әдістемеліктерді

де, сондай-ақ, нақты тауар бойынша басқа зерттеу зертханалары мен мекемелері зерттеулерінің нәтижелерін қолдана алады.

14. Сарапшы берген қорытынды ұсынымдық сипатта болады.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК